

U pallazzu verdi

In u palazzu verdi
Se ùn trovi l'aceddi,
Poi infattà un cundannatu stranu :
A so barba hè incasciata,
U fucili hè armatu.
Tali Falcina in a so rialtà.

'Ssu palazzu abbaglianti,
Trà a vita è a morti,
Hè fruntiera scura pà l'umanità.
Ùn hè micca sguaiata
È mancu dizgraziata,
Antica prova di a dignità.

Cusì ferma l'intesa,
Chì silenziu è attesa
Sò i cumpagni di l'eternità.
Da chì u mondu hè mondu
Da u celu à u profundu,
Lamentu mutu di a lialtà.

Aldilà di u ventu,
Aldilà di u tempu
Cresci, furiosa, a voglia di campà.
Di petra è di saetta,
D'onori è di vindetta,
Tremenda stà l'ugnula vulintà

Fermerà

Veneranu altri mumenti... a vita corre
Venerà un altru surisu, un altru amore
Nascerà a primura dopu l'indifferenza
Ma nunda ùn venerà pè riempie l'assenza.

U silenziu stancatu, ghjunghjerà u rimore,
Ricordi nancu nati bramanu le so ore,
L'avvene chì ci aspetta cu tamanta pazienza
Ùn ci puderà mai fà smenticà l'assenza.

Passeranu inverni, passeranu verani,
Stagione eppò stagione, passeranu cent'anni.
Passerà issu tempu chi appacia a suffrenza,
Ma ùn passerà mai 'ssu sintimu d'assenza.

Dinù si piserà u ghjornu, à l'infinita,
Affacará a sera, a notte chì seguita.
Venerà l'adisperu, eppò torna a speranza...
Venerà ciò chì vene ma fermerà l'assenza.

Simu

Trà u bughju è l'albore
Se alzata una chjama,
Cum'è lacrima d'amore
Fatta di fede è brama.

Dicendu chì simu fiori
Di quessa terra firita,
Riflessu di u signore
In u spechju di a vita.

Ci porta issu missaghju
Di ricordu é d'inchjostru,
Infiaratu dà u raghju
D'un attrachju chì fù nostru.

Simu gocchie di memoria
In u mare d'eternità,
Pagine di una storia
Ch'ùn averà finalità.

Circhemu in u presente
E risposte d'un passatu,
Grane di tanti ramenti
Ch'averemu cullucatu.

Ci porta issu missaghju
Di ricordu é d'inchjostru,
Infiaratu dà u raghju
D'un attrachju chì fù nostru.

Aspettemu quessa stonda
Induve tuttu scambiarà,
Una spera vagabonda
Chì purterà serenità.

À l'ascoltu

Quantu mumenti salvati
Cuntradanzi é sirinati,
Musica é ribuccati
Cù bon sensu ammaistrati.

Quantu fiatu paisanu
Trà u sacru é u profanu,
Estru d'un campà landanu
Porsu da u populu sanu.

À l'eternu i duvemu
À a manu ch'hà raccoltu,
U sonu di ciò chì semu
In ugni locu sipoltu,
Chì mai ùn scurdaremu
Iss'omu chì fù à l'ascoltu

Quantu stintu naturali
Tessu incù fedi nustrali,
Chì issi petri musicali
Alzonu una catidrali.

Quantu ricchezza d'accenti
D'un opara chì fù surghjenti,
Chì tandu eternamenti
Ramintarà a noscia ghjenti.

À l'eternu i duvemu
À a manu ch'hà raccoltu,
U sonu di ciò chì semu
In ugni locu sipoltu,
Chì mai ùn scurdaremu
Iss'omu chì fù à l'ascoltu.

U Liò di Roccapina

Un si parla più di mesi,
Nè menu di settimane,
Si sente per lu paese A
« classa » parte dumani.

U Liò di Roccapina
Hà dittu à l'omu di Cagna
Tù mi vardi la marina,
Eu ti vardu la muntagna.

O Ninni, la me Ninnina,
Pidda una mazzetta in manu
E fà marghjà stu sameri
O chì marghja troppu pianu.

S'è tù parti à lu serviziu
Senza mettami l'aneddu
Voddu chì un paghju di balli
Ti brusginu lu ciarbeddu (Bissu)

Ch'iddu si sicchi lu mari
È furmà un impitramentu
Ch'iddu ùn ni parti più
Manc'unu
Ghjovani à lu righjimentu (Bissu)

Un ci voddu più andane
In Quenza passa le festi,
Nè menu in Santa Maria
A passammi l'istatina.

O pinè parchi s'hè mortu,
Pan'è vinu un'ti mancaia
I pumati so indè l'ortu
O pinè parchi s'hè mortu

In la stretta di u Pughjolu,
No ghjuchemu à trenta trè
Trenta trè di la scagliola
Tric'è trac'è tù sè fora ! (Bissu)

Je suis d'ici

Tu es le fil qui nous unit
Comme le jour et la nuit
Ton passé et tes histoires
De plusieurs vies sont ta mémoire.

Pour arriver jusqu'à toi,
On traverse un sous-bois
Et surgit ce vieux village
Vestige d'un autre âge.

Et tu es fière et belle
Comme un dessin, une aquarelle
Et tu domines la forêt
Comme un rocher touchant le ciel.

Tes murs de pierre sont rassurants
Comme des remparts contre le temps
Tu ouvres ta porte et tu attends
Notre retour à chaque printemps.

Je suis d'ici, de cette terre
Et j'y reviens avec mon père
Ces quelques heures, c'est du bonheur
Que je garde au fond de mon cœur

So di stà terra

Je suis d'ici, de ce pays
De cette terre ou j'ai grandi
Ses paysages, son harmonie
Eveillent en moi cette poésie

Tu es le fil qui nous unit
Comme le jour et la nuit
Ton passé et tes histoires
De plusieurs vies sont la mémoire.

U cervu corsu

Sogu u cervu, u cervu corsu, l'animaleddu sbanditu
U culombu, la me morti, laca u corvu ammutulitu
Mai più mi visticarè, o crudeli cacciadori
Da capicorsu à pumonti maladettu vincitori

Sogu u cervu, u cervu corsu chì si n'inveni di l'aresta
Di la friscura, lu boscu quandi Austu faci festa
Indi sè, la me faieta, sbucciata à middi maglioli
U me verdu puntiddonu, colmu à paci muntagnola

L'altora si hà spizzicatu, i me carri varmicosi
Ma ribomba la me chjama in li lamenti vintosi
A surghjenti sarà sicca è l'acquaccia tricaticcia
Turrarà lu bitoghju in una nera fanganicia

O corsu, fiddolu d'oghji, lu me sirvonu sfidatu
Arrimitu da lu soldu, di la mufra chi n'ai fattu
Eiu ùn temu ghjacariccia, nè piumbu nè caccia mossa
Ti facciu per sempiternu a lascita'lli me ossa

Tu chì v'è l'anima incheta, eiu sogu un agrunditoghju
S'è t'è tu ci scontri l'arieta, ti purtarà lu me moghju
Lu me schiletru bianchicciu chì si dissica in la machjetta
Finch'un falcu ghjunghjiticciu ni sumenghi la pruneta

Voddu cù l'antichi Corsi, movamini in Paradisu
A bramà per tempu eternu... Signureddu à lu to visu
Quandi l'ultima fuchera s'avarà tusu li monti
Quandi u primu sullionu s'avarà spintu li fonti

L'aghju vulsutu tene

Hè camisgiata à mille fiori
Lu to silenziu ricamatu
Chì canta è fisca trà i lori
È lu mintrastu imbalsamatu
Scaffatu da venti tenori
Chì questu mondu c'hà mandatu

È da sottu à l'elpe altane
Correnu à sbalzu le to forme
Fin'à d'altre tarre mundane
Induve lu celestu dorme
Aldilà di le ire urbane
È di le so vitaccie frole

Battenu tutti in core meiu
E to luce à l'alburighjate
L'aghju vulsutu tene eiu
È to sponde profumate

Da le to punte di bianchina
Fin'à li to scoglii furbanti
Fatta hé di perla a to dulcina
Incurunata à urli santi

Nu a to corsa farfalina
Sò trè manezze è quattru vanti
È d'ariarelle in puesia
N'ai lentatu una strufata
Pindellu di malincunia
Nu a to perla stanterata
Persa trà speranza è piazza
Trà via chjara o abbughjata

Leva di u settanta

Quand'elli si sò mossi eramu d'estatina
È per elli riposu ùn ci n'avia da esse
S'eranu accolti in Corti pè filà è pè tessu
U pannu riccamatu di Corsica in ruina

Senza sminticà nunda di a storia passata
Impastavanu u presente fidighjendu à dumane
Dicendu u dirittu è u bè chì ci vene
Chì ne ribomba anch'oghje a soia l'operata

In l'appuntu di tandu ùn ne curria stragge
Ci hanu apertu a strada è l'avemu pigliata
S'ella ùn ne stata tutta di fiori suminata
Porta sempre in bandera a speranza è a pace

A leva di u settanta ùn cheria baratti
A cantava à diana un'andatura nova
Hè venutu u tempu oghje di fà a prova
Ch'ella ùn tremi a manu chì signerà i patti

Ma tu mi manchi

Aghju sunniatu di noi
Di quandu eramu insemi
Di quandu eramu eroi
Si st'amore presente

Ma ellu un po more
Un si perte cusi
Ellu campa in lu core
Ancu s'ellu un po guari

Ripigliu

*Ma tu mi manchi ma tu mi manchi
Ma tu mi, manchi ma tu mi manchi*

Aghju persu lu cerbellu
Un so piu d'un e sto di casa
U nostru amore era bellu
U lu possu sgassa

Aghju scrittu lu to nome
nantu a la moi pella
viccinu a lu moi core
per l'eternita o la moi bella

Ripigliu

Stu silenziu chi mi sterpa
Stu corpu chi mi sente
A to assenza chi mi pesa
U so s'aghju da tene

E passanu pianu l'ore
Dipoi che tu si luntana
Aghju l'aziu di more
Senza te la moi funtana

Ripigliu

Aghju visognu di te
Un possu sta senza te
Aghju visognu di te
Un possu sta senza te

Ripigliu

Venite incù mè

Vi ne vurrìa parlà
Di ssu paisolu
Appesu à e cime,

Ci ghjoca u sole
Ci veghja a luna
Ma nimu ci stà

E case stanu ochjiserrate
Tutte accumulcate
Le pesanu l'anni,

È tombanu l'ore
Chi ùn volenu more
Mà nimu à sà

Dite perchè, dite perchè
Dite,dite,ditemi perchè !

Un ghjornu s'è vo ci ghjunghjite
Fateli una vita
A soia hè ferita,

Dateli una voce
È dateli un nome
Più nimu lu sà

Vi ne vurrìa cantà
Di ssi paisoli
Chi sanu a storia,

Andemi dumane
Ci so e funtane
Di una eternità

Venite incù mè, venite incù mè,
Venite, venite, venite incù mè !

Ti vulia lascia

Pensu tantu a tutti iss' anni
Quandu ellu si campava corsu
Impezzati li vostri panni
Voi altri omi di morsu
Erano vite e po malanni
Quand ellu si campava corsu

Ma prima d'anda
E prima al di la
Ti vulia lascia
A petra ch ha da firma
A petra da mura
Ma prima d'anda
Ti vulia lascia
Ti vulia lascia

Pensu tantu a l'addisperi
A issu paese ch'e tu sai
L ai cunnisciuti l omi fieri
E so mane a quandu mai
I so dumani e i pensieri
E a storia soia oramai
Pensu tantu a l'addisperi
A issu paese ch'e tu sai

Interprété par JEAN MENCONI
Auteur : M. Ventura
Compositeur : J. Menconi, J.C. Rozzo
Arrangeur : J. Menconi, B. Colombier
© 2014 Editions Ricordu

O strada

U ventu tra i fiori per notte s'incamina
E issa luna d'argentu chi basgia lu rughjone
U rumore di l'onda chi canta in Roccapina
E strade piu secrete di l'eterne passione

So di te, so di te....

Viaghjadore di e nule a la dolce ghitarra
Tu chi vai per celu a l'ora Fiorentina
Un gigliu luminosu cum'una gemma mara
S'hè stessa accant'a tè in l'erba d'istatina

So di te, so di te...

Una fata di musica cume un ombra snella
T'ha chjappu in le so rete di splendid'armunia
Per purtati luntanu nant'u a strada piu bella
Ch'incanta li to passi d'ardente melodia

So di te, so di te.....

Quantu mi ne possu avvene

Quantu mi ne possu avvene
D'una tremenda sicchia
Puverellu cantu corsu
Ere guasi à l'angunia
Mute eranu e paghjelle
E tenebrosa la via

O sebbiatu riacquistu
Chì spezzò centu catene
Fendu leva di rivolta
Ogni cantu di l'avvene
Ci dete fiatu è primure
Da smenticà tante pene

Canta canta o voce corsa
Canta sempre e to canzone
Di cultura hè la risorsa
Quella di u nostru isulone

Tanti canti si levonu
Gonfii di speranze nove
Ricchi di parulle è soni
Dendune à tutti e prove
Chì più pocu hè l'abbandonu
Quandì cultura si move
Serà forse ghjudicatu
Dumane lu benefiziu
Per mè ne aghju purtatu
A la mossa da l'iniziu
Cù la voce è cù lu fiatu
A mo petra à l'edifiziu

Interprété par LES VOIX DE L'EMOTION
Auteur : J. Fusina
Compositeur Arrangeur : M. Tomei
© 2014 Editions Ricordu

Corsica celeste

Tutta cinta di mare cume una furturezza
Di tanta gioia colma cume di gran ' tristezza
Cume un'acula persa annantu a l'infinitu
Ne hai ghjente spapersa a sennu induluritu

Si mamma luminosa di dolcezza profunda
Si regina pietosa di granitula tonda
Si l'omu s'innamora di tamanta ricchezza
Di la to terra mora chi u celu accarezza

Ghje chi sottu a lu velu chi a to alba sveste
Ne hai u core piu bellu o Corsica celeste

Di la to santa storia mi ne vogliu ramintà
Di i to fatti di gloria e di a nostra dignità
Si diventata un mudellu ancu da mare indà
Chi un destinù crudellu
Un pò sguassà

Interprété par MICHEL CACCIAGUERRA
Auteur : JC. Papi
Compositeur : M. Cacciaguerra
Arrangeur : P. Mattei
© 2014 Editions Ricordu

Sara cume la sara.....

Avia quindici anni, quandu l'a m'a pigliata
Sta passione di a musica chi ma fattu campa
U tempu di a mio vita cume una ghitarata

M'anu dettu si scemu, empara un mistieru
Di fa u cantadore, e peddiu che zappa
A mio scelta era fatta, e, cume era fieru
Pensava diddia...

Sara cume la sara a vita chi voliu campa
Fatta per sunna e canta
Un giornu qui, l'altru quallà
Una ghitara per furtuna

Sara cume la sara, chi piu belle storia a cunta
Addiu mille canzone a fa
L'avventura a voliu campa
Cume un acellu, un vagabondu...

Encu la moi ghitara addiu giratu u mondu
E scritte piu canzone che pudia canta
Per l'ochii di una bruna, o, l'amore di una bionda

Addiu avutu encu fame, e mancu un soldu in borsa
Rigreti un n'he adiu, e oggie possu di
Chi so e moi feride chi m'anu dattu a forza di cuntinua...

Sara cume la sara, chi piu bella vita a campa
Tragulinu di musica, un giornu qui, l'altru qualla
Senza valija ne furtuna

Sara cume la sara, adiu mille canzone a fa
L'amore mi po aspetta, adiu tanti amighi a truva
Nantu a moi strada vagabonda

Sara cume la sara a vita chi voliu campa
Fatta per sunna e canta
Un giornu qui, l'altru qualla
Una ghitara per furtuna

Sara cume la sara, chi piu belle vita a spera
He quella chi voliu cunta quandu un n'avaradiu piu
Sara cume la sara....

Un omu degnu

In u me Portivechju caru
Parlu, parichji anni fà
C'era ghjuntu un omu raru
Francu, tali unestà

Era un umanu degnu
Ghjuntu di mani à bon'ora
Un vinia pà fà regnu
Solu à sparta u so cori

Era un travaddatori
Da festi à parativu
Mai si cuntaia l'ori
Mancu lagnu si sintìa

Pà certi era l'erenti
Un stranieri eppò chì sà
Gattiverii chi a menti
Si devi di ricusà

Mi cuntaia Lazzarella
Mare chjaru é Guapparia
A stodia di Maruzzella
Sulitaria cumpagnìa

M'innamurò di u to locu
Tù pà sempri di u meu
Dui loca, un solu scopu
Chì duvintò, toiu é meu

È di grazia, un bel ghjornu
U sguardu dolci ll'amori
Si calò pà un sughjornu
Pà campà più ch'è un fiori

Cussì chì bellu distinu
Li dessi pà issu campà
A vita chjara camminu
Esempiu da mintuvà

Issa canzona, mancu hè lagnu
Hà di più ch'è sipatia
Ùn vului lacà in un scagnu
Ciò chì mi dicìa

Una dignità tamanta
Comu si pò sminticà
L'umanità chì v'agguanta
Mai si devi cancellà

Oghji l'avisi sò pari
Sè quì pà l'eternità
Ringraziu i ghjenti cari
Chì ani vulsutu cambià

Pà quissa scrivu issi versi
Chì a to assenza mi dà
Mai i virità sò persi
Solu vani ad aspittà.

*In umaghju à Valerianu Nativi
Cù affettu
N.V. Uttrovi 2013*

Parchè

Più omu hè bravu è più hè poveru, parchè, parchè ? (enfant)
Più omu hè riccu è più omu hè falsu, parchè, parchè ? (enfant)

Ci hè calcosa chi ùn và
Un sbagliu fatale è sucitale
È ci vurrà un ghjornu à cambià tuttu què, a sai bè

La la la la... (tous)

Più ti voli impignà è più e ti facenu falà, parchè, parchè ?
(enfant)
Più ti ne impippi è più ti lascianu stà, parchè, parchè ? (enfant)

Ci hè calcosa chi ùn và
Un sbagliu fatale è sucitale
È ci vurrà un ghjornu à cambià tuttu què, a sai bè

La la lala... (tous)

Accordéon

La la la la ... (tous), à cambià tuttu què

Stonde musicale

I sebiati tragulini
Di l'acquale o fiuminale
Canti e soni a l'Osteria musicale

Primurosi d'altri venti
E d'alte stelle fatate
Suminendu tanti visi
A l'altare

E moi muse so svegiate
Aspettendu lu veranu
In le chjose alumuninate
Di u soc ore luntanu
Oghje sparitu l'amicu
I verdi chjassi dinù

Ancu tu

Refrain :
Sparte chè ?
Dilla ' a me !
Senza te ?
Piu piacè...

Ma quelle stonde passate
Una gria di ghjuventù
A l'alba di a moi vita
E po piu

Passagera

Date mi i visi è i carrughji
date mi isse fantasime
chì filanu
senza retta nè fine

Date mi l'ochji tanti è i zitelli
date mi i cumpagni
è l'amichi à millaie
ch'o pigli appellamanu

Date mi isse vicente
battelloni pisii
di parte è di vultà
a so storia chì batte
di fanga è di fumaccia

Date mi e stagione ardente
è i vaghjimi folti
di e parolle nove

Date mi a ghjente
è date mi u cantu
u ribombu chì volta da i celi
U muscu d'ogni stonda sciolta
nantu à a pelle

Date mi isse vicende
di passighjate notte
di luce bianca è finta
torna una volta
torna una volta.....

Lettera mischina

O maghju lu mio fratellu
Di centu mila verani
Chi picchja lu mio purtellu
Per riscalda le mio mani
Aghju in core un martellu
Chi ribatte li mio affanni

T'aghju cunisciutu altieru
In li carrughji di u settanta
Si marchjava a passu fieru
C'una speranza tamanta
Da l'unu a l'altu terzeru
Spazzavamu a rimigna franta

Avemù persu sole e luna
E fattu da macchjavelli
Avemù scioltu l'antica funa
Chi ci tenia fratelli
E ghjucatu a china a fortuna
Di tutti i nostri puntelli

A ghjelusia ci tene
Nantu a è strade e piu invidiose
E scritte di l'avvene
Trovanu e porte chjose
Un ci hè piu sangue in le vene
Ma vinu di streghe scherzose

Induve vai o terra
Induve vai tù
Induve vai o corsu
Induve si tu

Minnana

Testimoni d'u passatu
I ritrati ci guardanu
A vicin'un vecchju, lettu
A to vita s'indovina
Com'una bella vetrina
Moscendu grizzi e belta

Minnana, Minnana quandu pensu a tè
Farfalla di giurnu in sa casa fiore
Ti vergu mullina in un valsu scemu
Pa prova d'abbraccia a liccia di u tempu

Davanti a u caminu
Ingrunchjata e scherzosa
U sedinu castagninu
Ti lascia cunta a storia

Ricordi a pezzatellu
Smenticati da u tempu
Ch'u spiritu vagabondu

Minnana, Minnana quandu pensu a té
Farfalla di giurnu in sa casa fiore
Ti vergu mullina in un valsu scemu
Pa prova d'abbraccia a liccia di u tempu

Bocca chiusa a l'ascoltu

Ti vogliu di che ti amu
Ti amu...

O corsu

A Francia di i corsi, voli fà u spachju
Eccu a noscia sorti, é chi ùn si n'impachja
Ùn sò ch'è impanzati, chi ùn poni più mova
Ma nò avemu sceltu, a strada di a prova
Pò m'hà dichjaratu, u corsu clandestinu
Sò omu di a tarra, micca un assassinu
Sò omu di a tarra, oghji à u straminu
Di a u corsu sbagliatu, chi piega u spinu

Ripiddu :

Di a noscia tarra firmata urfanedda
Aghju scontru i ziteddi
In a machja di cursichedda
Sò paisani di cori ribeddu
E sò i nosci fratedda

Ani abbambanatu u piritu nustrali
Usendu di a forza, di u capitali
Investitu u senza di a differenza
Pà tenaci servi, di a so violenza
Pà quissa sustengu, u corsu clandestinu
Chi l'indipendenza he u nosciu distinu
Chi si senti corsu, si ni devi invena
E d'essa siguru, pà cripà issa pena.

Ripiddu :

Chi a tarra corsa chi ferma urfanedda
Incù i so veri fratedda
Fatti di stintu ribeddu
Ritruvarà tutti li so ziteddi
E cumpiarà lu strapeddu

O corsu ch'inanzi, nigai l'impustura
Avali ni pesi, a to sipultura
U soldu t'inganna, e pididi paura
Nistica a to vita, vasta a to natura
E si oghji tù credi d'essa clandestinu
Hè a vera manera d'alivà, u straminu
Frumbula, issa dea, ch'è a francia stracina

Ripiddu

Una cansa di mimoria

Trà a Tana è i Ghjacumoni, in issi lochi cusì amati
Vecu tamantu circondu, quiddu d'i me antinati
Magnificu è mistiriosu à mez'a piaghja è l'altura
Ogni volta chè ci ghjungu m'arrecu paci è forza sicura

Rivecu una vela bianca, si ni fala da i steddi
In un silenziu grevu di machja abbisistita
Carriendu tanta spera in i vosc'ochji ziteddi
Semu in tempu di sighera à l'appiattu di a rivista

Da un cantonu vecu a Sardegna, socu quì è in altrò
À'ssa sorti à malavia, eti rispostu innò
M'addurmentu è sunnieghju in a bocca di Siò

Di cascà vi ni in vinochju ùn erati tant'avvezzi
Nè vi dumaia a zappa nè vi frustaia a feddi
È puri quidda notti versu u celi eti prigatu
Irunia d'u signori chì lampa armi com'è pani

Ci sarà una bandera da pudè fà vi l'unori
Par avè ni dui o trè o centumilla culori
Dop'un opara cumpagna, quidda di a risistenza
Si Scatena a mimoria ma si risenti l'assenza

S'hè ripetuta a storia trà i torti è i raghjò
Hà triunfatu a guerra, fussi l'ultima o fiddò
Una cansa di mimoria quì in a bocca di Siò

Ma sta seti di libartà, ind'hè missa oghji o cumpà
U nimicu ùn hà fucili ma calculatrici in mani
Qual'sarà l'omu o u fattu chì ci pudarà scità
Chì a lotta ùn hè finita ferma sempri tantu à fà

D'afrika cusì luntana s'era mossu un avviò
S'avvicinaia a vittoria, ci ghjapriani u stradò
Hè accaduta una volta, forse vultarà dinò
Qualch'aghjenti rucchisgiani in a bocca di siò

Interprété par SVEGLIU D'ISULA
Auteur : A.Secondi
Compositeur : S.Tramoni
Arrangeur : M.Tomei

© 2014 Editions Ricordu

Ecco bella

Ecco bella del mio core, mio core,
L'anima t'invio.

T'invio l'anima il mio pettu, mio pettu
T'invia l'anima del mio pettu
Perchè ti adoro.

Ti adoro o bella e che sperar poss'io.
Poss'io sperar da te ?
Poss'io sperar da te, da te, qualche ristoro.

Ristoro ai miei tormenti,
Ognor desio, desio, sempre
A goder, a goder listessa sorte.

Interprété par TERRA
Texte traditionnel

© 2014 Editions Ricordu

L'omu di u « Ricordu »

A pena zitellu
Cuminciava à ritrattà
Ciò chi natura ci dava
Ciò ch'omu sapia fà

Pigliendu lu tempu
Hè nata la vulintà
À la ghjente di mustrà
Ciò chi l'omu pò cappià

L'omu di u Ricordu, ellu sì chi a sà,
L'omu di u Ricordu, sò 40 anni dighjà

Di la terra, di l'omu
Hà primura di parlà,
È pò di arrighjistrà,
Hà un mondu à rifà.

L'andatura di u cantu,
Cerca sempre à misurà,
Un fattu chì ci garba,
Com'un aria à zibulà.

L'omu di u Ricordu, ellu sì chì a sà,
L'omu di u Ricordu, sò 40 anni dighjà.

Ancu l'anima si perde
S'un c'hé vita da filà,
Com'u mondu chì gira,
Una memoria per parà

À chì à si face cuntà
Mà di storia umana
Ùn ti ne poi scurdà.

L'omu di u Ricordu, ellu sì chì a sà,
L'omu di u Ricordu, sò 40 anni dighjà

Interprété par VAGHJIME
Auteur Compositeur : A. Crescenzi
Arrangeur : M. Tomei

© 2014 Editions Ricordu

Una storia...

Berculata da le fole
Inacquata da lu sole
Nata in tempi di petra
D'una voce, una preghera
Da i tempi i più landani
Scalatti sò nostr'anziani

Ripigliu

Cusì hè la me terra:
Una storia, una bandera (bissu)

Invidiata com'una sposa
Da Ponte Novu à Filitosa,
Ghjunti sò l'invasori
I latrì è l'ingannatori ;
Pè parà à sta presenza
Si stazzunò a resistenza.

Ripigliu

Ore stentate, ore di lotte,
E di ghjornu, è di notte,
Cascati l'eroi curaghjosi,
Cumbattenti gluriosi,
Storia ci ferma per testimonia
Cù ricordi chi tèssen'una leia.

Ripigliu

Interprété par VAGHJIME
Auteur : A. Crescenzi
Compositeur : P. Azzini
Arrangeur : M. Tomei

© 2014 Editions Ricordu

Trà la leccia è l'olmi

Corre u fiume trà la leccia è l'olmi
È ti sentu spatanscià
Cù l'angoscia O Marì fughji, corri...
Per la to vita salvà

Cerchi aiutu, cerchi fiatu
Cù li to panni stracciati
È t'infatti lu suldatu
Ma n'un ti vole aiutà

Sola strazii in la furesta scura
Per in paese vultà
Ti ne fughji colma di paura
Chjami « Aiutu per pietà »

- « Per piacè O sgiò suldatu
Ci sò banditi quassù ! »
L'omu ride di u to straziu
Vole la to ghjuventù

Corre u sangue trà la leccia è l'olmi
Un surrisu si ne và
Cusì crudeli suldati st'omi
T'anu vulsutu furzà

Sì scappata trasfiatata
Pè risparmià lu t'onore
Ma s'hè intesa a fucilata
Ci sò tant'anni dighjà...

Ripigliu

Interprété par VOCE VENTU
Auteur Compositeur : F. Poggi
Arrangeur : M. Tomei

© 2014 Editions Ricordu